

修訂日期: 2009/04/23 發行日期: 2009/5/9
發行單位: 中華電子佛典協會 (CBETA) <http://www.cbeta.org>
資料底本: 大正新脩大正藏經 Vol. 20, No. 1122
原始資料: 蕭鎮國大德提供, 北美某大德提供

No. 1122

金剛頂瑜伽他化自在天理趣會普賢修行念誦儀軌

唐特進試鴻臚卿三藏沙門大廣智不空奉 詔譯

我以淨三業	為利諸眾生
令得三身故	歸命禮三寶
金剛身語意	遍滿生死中
祕密金剛界	大悲依護者
雄猛阿閼鞞	最勝寶生尊
大悲阿彌陀	成就不空業
此諸無上尊	我皆稽首禮
及薩埵金剛	降伏於一切
勝上虛空藏	能授諸灌頂
救世觀自在	顯三昧瑜伽
巧毘首羯磨	善作密方便
如上諸聖尊	我皆稽首禮
脩行此法者	常住本尊觀
行步踐蓮華	至於精室門
彈指三稱吽	右目置麼字
左目置吒字	右日左成月
流散金剛光	入門而顧視
諸魔咸消散	以左金剛拳
當心豎頭指	右手亦復然
頂上三左旋	指空及下界
次復右旋轉	皆誦吽字明
次思佛常住	置禮三寶已
方誦清淨明	二手未敷蓮
加心額喉頂	

唵莎嚩(二合)婆(引)嚩秣鐸薩嚩達莫(引)莎嚩(二合)婆(引)嚩戍度憾

此明密義云	諸法自性淨
我亦自性淨	由是加持故

自他獲無垢 便於自心中
觀性成金剛 三業已轉依
成三祕密門 次作發悟契
二拳檀慧鉤 進力側相拄
二舉如鉤勢 誦此祕密言

唵嚩日[口*路](二合)底瑟吒(二合)

由此真語印加持 諸佛不貪寂靜味
悉從定起赴集會 觀察行人同攝受
次結金剛持大印 檀慧禪智反相叉
右膝著地置頂上 想身遍滿塵刹海
敬禮——如來足

真言曰。

唵嚩日囉(二合)忽(微言切)

由此金剛持印故 一切正覺皆隨順
為欲奉事諸如來 捨身奉獻阿閼佛
金剛合掌舒頂上 全身委地以心禮

真言曰。

唵薩嚩怛他(引)孽路(引)布儒(引)波娑他(二合)娜夜怛麼(二合引)南(引)儻(引)哩夜(二合下同)多夜弭薩嚩怛他(引)孽多(引)嚩日囉(二合)薩埵(引)地瑟吒(二合下同)莎嚩(二合下同)[牟*舍](引)吽

由此真言身印故 即得圓滿菩提心
次應敬禮寶生尊 為奉灌頂承事故
金剛合掌下當心 以額著地而奉獻

真言曰。

唵薩嚩怛他(引)孽多布惹毘囉迦夜怛麼(二合)南儻哩夜多夜弭薩嚩怛他孽多嚩日囉(二合)囉怛娜(二合引)毘誅左[牟*舍]怛洛(二合)

由此捨身供養故 即獲灌頂法王位
為欲求請轉法輪 捨身供養無量壽
金剛合掌置頂上 以口著地奉其身

真言曰。

唵薩嚩怛他(引)孽哆(引)布惹鉢囉(二合)鞞多娜(引)夜怛麼南儻哩夜多夜弭薩嚩怛他孽多嚩日囉(二合)達磨鉢囉(二合)鞞多也[牟*舍]訖哩

由此真言求請故 即獲轉妙法輪智
次應敬禮不空王 為求供養羯磨故

金剛合掌當心上 以頂著地而求請

真言曰。

唵薩嚩怛他(引)孽多(引)布惹羯磨拏阿(引)怛磨南儂哩夜多夜弭薩嚩怛他孽多(引)嚩
日囉(二合)羯磨句嚩[牟*含]惡

由是獻身誠請故 便能示現種種身
次想己身佛海前 懺悔隨時勸請向
如是並依略瑜伽 即入本尊三昧耶
跏坐端身入正受 四無量心盡法界
修習運用如法教

大慈真言曰。

唵麼訶昧怛[口*(隸-木+士)](二合)娑頗(二合)囉

誦是真言時 演心遍三界

普施眾生樂

大悲真言曰。

唵麼訶迦嚩拏娑頗(二合)囉

誦是真言時 心遍眾生界

普門為拯濟

大喜真言曰。

唵薩嚩秣馱鉢囉(二合)謨娜娑頗(二合)囉

隨類拯救已 以此明加持

一切有情類 咸授與菩提

如是利樂已 方歸法界性

大捨真言曰。

唵麼護閉叉娑頗(二合)囉

念此真言時 心住於平等

不見有自他 唯此一性相

即是普賢性 大菩提之心

次應二手旋舞。作金剛合掌印。十度初分相交是也真言曰。

唵嚩日[口*闌](二合引)惹里

以此印便堅固縛。名勝上金剛縛。一切契皆從此生真言曰。

唵嚩日囉(二合)滿馱

便以禪智入滿月。進力住其背。名金剛拳大。

三摩耶印真言曰。

唵嚩日囉(二合)母瑟胝(二合)[牟*含]

次分為二。作本尊三麼耶契真言曰。

穀(引)嚩日囉(二合)薩埵素囉跢薩怛鑠(二合下同)

纒結本誓印真言 身處日輪同本尊

次呈悅喜三摩耶 能令眾聖咸歡樂

縛印忍願戒滿月 檀慧禪智相合豎

真言曰。

唵三摩耶穀(引)素囉多薩怛鑠(三合同上)

次當開心門 觀於二乳上

右怛囉左吒 三掣金剛縛

當心如啟扇

真言曰。

唵嚩日囉(二合)滿馱怛囉(二合)

吒(半音)

觀前一肘間 惡字素光色

禪智入月掌 以進力二度

捻字安心內

真言曰。

唵嚩日囉(二合)吠舍惡

以前拳印明 封閉心殿門

密闔心門已

分二當心前 稱吽舉右噓

次吽舉同左 三吽相鉤結

吽發伸進力 左轉領辟除

右旋成結界 欲作此法時

內住大悲心 外示大威怒

四面豎利牙 八臂操利械

遍身發猛焰 作大叱喝相

密跡金剛眾 受教而侍立

次結蓮華三昧耶 本縛檀慧禪智豎

由此真言密印故 脩習三昧速現前

真言曰。

唵(一)嚩日囉(二合)鉢娜麼(二合)三麼耶(三)薩怛鑠

次除邊轉心 令歸平等智
前印檀慧交 真言最後字
便掣密印開
真言曰。

吽摘枳塞佈(二合)吒也(一)摩訶尾邏誡嚩日[口*藍](二合二)嚩日囉(二合)馱囉(三)薩帝
娜吒(入聲)

纔作此明印 二乘發悲救
凡夫入佛界 佛出度眾生
皆由是加持 獲得普賢心
真言曰。

唵素囉路嚩日[口*藍](二合)弱吽[牟*含]穀(引)唵摩訶速佉嚩日[口*藍](二合)莎馱也薩
嚩薩底吠(二合)瓢(毘藥切)惹吽[牟*含]穀

由是真言故 咸住大悲心
聖凡同受悅 是名大凡二
次召無始來 妄見所生業
縛忍願如針 進力傍如鉤
心想召諸罪 罪狀餓鬼形
反印向心召 誦此誠實語

唵(一)薩嚩播跋羯灑拏(二)尾戍馱娜(三)三麼也嚩日囉(二合)吽若

由是三密門 盡集自他業
稱吽進力拄 是索引入掌
誦[牟*含]內相叉 兩兩相鉤結
已縛諸罪業 忍願伸如幢
布怛囉吒字 觀成金剛杵
相拍如摧山 忿句及怒形
能淨諸惡趣 誦明忍願拍
或三或七遍
真言曰。

唵(一)嚩日囉(二合)播拏尾塞佈(二合)吒也(二)薩嚩播耶滿馱娜儂鉢囉(二合)謨叉也(三)
薩嚩播耶孽帝毘藥(二合四)薩嚩薩怛挽(三合)薩嚩怛他孽路(五)
嚩日囉(二合)三麼也(六)
吽怛囉吒(三合吒字半音)

由此相應法 三業所積罪
無始極重障 作此摧壞已

猶如劫火焚 乾草胡麻等
如來大悲故 開此極祕門
次結祕密印 散壞業障輪
而成佛事業 金剛按惹里
進力屈背合 禪智押其側

真言曰。

唵嚩日囉(二合)羯麼尾戍馱那薩嚩嚩拏儻沒馱薩帝那吽
為欲顯發自性故 當以蓮華三昧印
置於頭左誦此明

唵贊咄[口*路](二合)多(二合)[口*(隸-木+士)]三曼跢跋捺邏(二合)計囉拏摩訶嚩日哩
(二合)拏吽

由此法加持 三毒咸消終
自心大菩提 當時便成就
次入妙觀察智定 縛印仰置跏趺上
進力相背豎頭合 禪智相拄押進力
此名觀自在王印 端身正坐身無動
舌拄上腭唇齒合 心住大空無分別
諸佛滿空來警悟 告言汝證一道淨
未證金剛瑜伽定 便於定中禮佛足

餘文廣依瑜伽經所說。誦是真言。前所內心惡字。從字出無量赤光。右旋成日真言曰。

唵質多鉢囉(二合)底吠能迦嚩弭

由是真言加持故。自心如日。由未分明。復誦此真言曰。

唵冒地質多母怛跛(二合引)娜夜弭

由是真言加持。猶如盛夏日輪。光明晃耀。復於日輪中觀白蓮華。置本尊心字。素白光色。成本尊契。則是金剛智真言曰。

唵底瑟咤(二合)嚩日囉(二合)

由是真言加持。自心智分明已。復誦此真言曰。

唵嚩日囉(二合)怛麼(二合引)句憾

此密義云。我是金剛則三業所成金剛也。復云我是金剛身。作是觀時。此金剛亘周法界。一切諸佛咸入此金剛。合同一體。復加持令堅固真言曰。

唵儻哩(二合)荼底瑟咤(二合)縛日囉(二合)

由是加持極堅牢不可傾動。則自知成金剛不可壞身。為欲成就本尊身誦是真言曰

。

唵也他羯磨俱[口*路](二合)馱薩怛(二合)他憾

次以前本尊三麼耶印真言。加持心額喉頂。

次作灌頂法。以金剛界自在印而置頂上。次額上次右後左真言曰。

唵嚩日囉(二合)薩埵

次頂右寶曰。

唵嚩日囉(二合)囉怛娜(二合)

次後法曰。

唵嚩日囉(二合)達磨

次左業曰。

唵嚩日囉(二合)羯磨

密印。本縛忍願如刀。進力附是也。由是加持已。五如來冠在其頂。便分為二拳。至頂後進力三相繞。下散垂繒勢。是名鬘灌頂。則為已繫離垢繒真言曰。

唵嚩日囉(二合)磨隸阿毘誥左[牟*含]

便以二手為拳。舒進力。於進指面想唵字。力度面置砧字。綠色白光。如抽藕絲。為鉀縞索。從心三繞背後亦然。次臍及腰兩膝又臍腰心背咽喉頸後額前頂後。皆三繞下散。如垂天衣。真言曰。

唵嚩日囉(二合)迦嚩際嚩日哩(二合)句[口*路]嚩日邏(二合)嚩日囉(二合)憾

作是加持。則為已被三世如來大誓莊嚴慈悲甲冑。一切天魔不能為障。則能摧敗一切魔軍。作諸佛事利樂有情。為悅眾聖速獲成就。以二羽三相拍。真言曰。

唵嚩日囉(二合)靚史也(二合)穀(引)

由以拍印加持故	一切眾聖皆歡喜
次復前觀本尊心	變為本尊妙身相
如前自觀今亦然	為顯法智體無二
前觀五相所成就	所謂自性之法身
今所觀者是智身	住是三麼地祕門
本縛禪智入於月	

真言曰。

唵嚩日囉(二合)薩埵惡(引)嚩日囉(二合)薩埵儻哩(二合)捨也(二合)

由是加持故	尊身則明顯
便召入自身	次於所居處
復觀阿字門	成妙高山王
上有寶樓閣	於是宮殿內
復安本尊身	眷屬皆圍繞
種種供養具	法界所有物

皆悉滿其中 作是觀念時

誦此真言曰

唵誡誡娜三婆嚩嚩日囉(二合)穀

由斯真言威德故 一切供具皆充滿

所欲咸從空庫生 為欲奉事本尊故

當往成所作智定 如是觀念加持已

當以不空王召集眾聖。

定慧二羽金剛拳 交臂抱胸屈進力

彈指發聲遍世界 諦觀佛海普雲集

真言曰。

唵嚩日囉(二合)三麼惹若

由以真言密印故 本尊及與眾聖等

降臨[土*則]塞虛空中 次住平等性智定

捧持闍伽眾香水 灌沐眾聖無垢身

應以金剛合掌印 加持香水誦真言

唵跛囉麼速佉捨也莎羅里多娜麼帶囉娜麼弭帶誡挽擔若吽[牟*含]穀(引)呬(引)鉢囉
(二合)底縑俱蘇麼惹稜娜託

便以色召聖者。入殿內智身。以三世印。進召如鉤真言曰。

唵嚩日囉(二合)嚕閉惹

召已。又用聲引入智同一。以進力相拄如索是也。真言曰。

唵嚩日囉(二合)攝泥吽

同一密合已。復以香止住。以進力度鉤結如連鎖是也。真言曰。

唵嚩日囉(二合)嚩第[牟*含]

固縛已。又用味悅喜。以進力面相合是也。真言曰。

唵嚩日囉(二合)囉細(引)穀(引)

應以語言而為歌詠。次結本尊印及真言。又以二手如射。名曰意生曰。

唵麼努(引)娜婆(二合下同)嚩嚩日囉(二合)若

又以二交臂如抱。慧覆定。名觸曰。

唵嚩日囉(二合)計里枳羅吽

又以慧肘。極安定禪進。名愛縛曰。

唵塞泥賀縛日囉(二合)[牟*含]

又以二腰側。名意氣曰。

唵嚩日囉(二合)孽嚩穀

又以二如前奕射。名意生女曰。

唵麼努娜婆(二合)嚩嚩日哩(二合)呬(引)

又如前觸。名適悅女曰。

唵嚩日囉(二合)計里枳隸吽

又如前愛嚩。名愛結女曰。

唵塞泥(二合)賀(一)嚩日哩(二合)拏(二)賀

又以前意氣。名自在主女曰。

唵嚩日囉(二合)孽尾(一)吽

又以止觀上仰如華。名春日。

唵末度嚩日哩(二合)具唵(二合下同)具唵(二合下同)

又以止觀下覆如香。名夏日。

唵嚩日囉(二合)迷祇曳(二合)吒(入)吒

又以二加眼。名秋日。

唵捨喇嚩日哩(二合)惡(引)惡

又以二當心。轉名冬日。

唵嚩日囉(二合)勢始[口*(隸-木+士)]惡惡

四攝如前依次而用。次復以四明召尊入身已。

復結本尊三摩耶大契。誦摩訶衍百字真言。由是加持無上菩提尚不難得。何況諸餘成就。設犯五無間罪。纔誦消滅無餘。何以故。由本尊堅住己身故。真言曰。

唵嚩日囉(二合)薩埵三麼也麼努播擲也嚩日囉(二合)薩埵底吠(二合)努播底瑟咤(二合)爾哩(二合下同)荼烏(二合)弭婆嚩素覩史庾(二合)弭婆嚩阿努囉訖妬(二合)弭婆嚩素補史庾(二合)弭婆嚩薩嚩悉地孕(二合)弭鉢囉(二合)也縵薩嚩羯磨素左迷質多室[口*(隸-木+士)](二合)藥矩嚕吽訶訶訶訶穀(引)婆誑挽薩嚩怛他孽多嚩日邏(二合)麼冥悶左嚩日唎(二合)婆嚩摩訶三摩耶薩埵惡(引)

次以內外供養。供養密言王。固縛禪智豎。名戲嬉菩薩曰。

唵摩訶囉底

纔作明印。麼訶囉底女適悅契諸聖。便伸臂向前合腕。名鬘菩薩曰。

唵[口*路]波戌鞞

由是印真言。持鬘女使普遍佛剎海。雨散金剛鬘。

以印從臍至口散。名歌供養菩薩曰。

唵穠[口*路](二合)怛囉(二合)掃契

由是密印及真言金剛歌女有一切世界微塵數妓樂女。以美妙音聲。周十方剎而為供養。得獲如來無礙辯。便以二旋舞金剛合掌頂上散。名舞菩薩曰。

唵薩嚩布而

由是供養獲六神通次以縛下名焚香菩薩曰。

唵鉢囉(二合)賀邏爾爾

由是法故。得香雲遍周一切佛刹。又以上散如華。名華菩薩曰。

唵頗攞誑弭

由是得華雲周遍一切佛刹。獲如來三十二相。以禪智豎相逼金剛縛。名燈菩薩曰

。

唵蘇底惹乞哩(二合)

由是得智光。普照佛界而為供養。獲如來五眼。以縛當心塗香勢。名塗香菩薩曰

。

唵蘇嚩蕩儼

由是戒香普塗佛刹故。獲得五分法身智。復以金剛合掌置於頂上。誦前虛空庫真言。出生一切供養雲海而為供養。復住本尊羯磨儀則。隨力念誦。次執珠合掌捧於頂上。誦本明加持當心。一一與真言文句齊度。或萬千百。晝夜四時精進修。念誦畢已。復以八供養及普供養等印。供養已。復結本尊及眷屬印。復示三麼耶。及發願等。復降三世左旋解界。以縛印伸忍願如針。心上掣開頂上合掌。想聖眾還本宮觀。名解脫印真言曰。

唵訖哩(二合)妬(引)嚩薩嚩薩埵囉他(二合)悉地努多也他努誑孽綫特挽(二合)沒馱尾灑焰補娜邏誑麼娜也靚唵嚩日囉(二合)薩埵穆

作是法已。復如前加持灌頂被甲禮四如來。發願懺悔等。身住本尊觀。無間菩提心。方出道場。隨心轉經印塔及像隨意經行。

金剛頂瑜伽他化自在天理趣會普賢修行念誦儀軌